

300 mahasiswa UMP serah memo

Sinar Harian (Kuantan) Sabtu 18/7/09 m/s Pg.

NORMAWATI MUHAMAD KASIM

KUANTAN - Gerakan Mahasiswa Universiti Malaysia Pahang (UMP) Mempertahankan Latihan Industri Selama Enam Bulan-ti Akhir Semester (Gempur) menghantar memorandum kepada Timbalan Naib Canselor (Akademik & Antarabangsa) UMP, Profesor Datuk Dr Sabarudin Mohd, semalam.

Yang Dipertua Majlis Perwakilan Pelajar (MPP) UMP 2009/2009, Mohamad Suffi Kamari berkata, memorandum berkenaan merupakan hasrat mahasiswa UMP untuk mempertahankan pendirian mereka bagi

mengadakan latihan industri selama enam bulan di akhir semester dan bukan di pertengahan semester.

Menurutnya, kira-kira 300 mahasiswa berhimpun bagi menyatakan sokongan terhadap Gempur dan seluruh mahasiswa UMP akan terus mendesak pengurusan UMP, pihak panel Engineering Accreditation Council (EAC) dan Kementerian Pengajian Tinggi mendengar pandangan dan pendirian mereka sebagai mahasiswa.

"Ini adalah perselisihan pendapat di antara mahasiswa dan EAC. Jika selama ini, latihan industri yang di-

jalankan selama enam bulan di akhir semester tidak menghadapi sebarang masalah, cadangan EAC bagi mengadakan latihan industri selama tiga bulan di pertengahan semester adalah tidak rasional.

"Kami menyatakan pendirian mempertahankan sistem latihan industri selama enam bulan di akhir semester kerana

lebih efektif
ana sistem ini terbukti membantu graduan UMP mendapat peluang pendidikan yang lebih efektif di industri dan berpotensi mendapat pekerjaan selepas tamat latihan industri," katanya selepas Majlis Penyam-

paian Memorandum Gempur kepada Dr Sabarudin.

Menurutnya, usaha bagi menyelesaikan perkara ini perlu bagi menyelamatkan mahasiswa daripada menjadi penganggur selepas menamatkan pelajaran di universiti.

"Mengikut kajian, peratusan mahasiswa mendapat pekerjaan selepas latihan industri di semester akhir semester adalah lebih tinggi berbanding mahasiswa yang melakukan latihan semester di pertengahan semester.

"Kami berharap EAC dapat mempertimbangkan usul yang kami cadangkan dan kami akan terus



● Mohamad Suffi Kamari membaca kandungan memorandum di depan 300 mahasiswa dan disaksikan oleh Dr Sabarudin.

mempertahankan usul ini kerana ia membabitkan masa depan mahasiswa, bukan sahaja UMP tetapi mahasiswa di universiti lain," katanya.